



Rabu, 27 Nopember 2024

Ogen : Kolose 3:13-15



Sialem-alemen Salah



Nd. Eda reh ku rumah Nd. Alem nuri-nuri. Itungtungkenna me persedahkna pusuhna bas perbahanen perbulangenna. Benaken bas erjabu nari enggo melala kal si itahan Nd. Eda sedekah enda. La ietehna tanggungjabapna ban ncukupi keperluan dapur, ranan si belas kena nandit-nandit ku jabu Nd. Eda, langga ka perbahanenna si erbahanca seh cedana pusuh. "Enggo bias, sekalenda terjeng bagenda nge kuakap. Mbarennda nari kal ku sinikken, bagem ari, mela rubat ateku lalap maka ku tahan, tapi genduari lanai tertahan, mburtas nari maka malemna" nina Nd. Eda man Nd. Alem. Megi ranan e alu manjar-anjar ngerana me Nd. Alem, "enggo bage dekahna kena erjabu, engkai maka gundari denga iturikenndu sedakna pusuhndu e senina, me mberat nari nge mabasa ertahun-tahun, oratna ndai bas si la pas e gelah turiken alu payo, segelah kam pe menahang akapndu, Bp. Eda pe tehna siman pekenan bas dirina". Jabu eme ingan Dibata nehken pasu-pasuNa man banta. Ibenai alu pasu-pasu, idalani alu pasu-pasu. Tuhu meriah ukur bas benaken perjabun, malem ateta sabap lit temanta guna mentasi wari-wari. Pengarapenta maka jabu e dem bas keriahen, kedamen. Kinatana melala ka nge kecibal jabu Nd. Eda enda jadi, jabu e lanai ingan pasu-pasu, tapi jadi palu-palu si mberat, peturah sedak pusuh, luka, kecedan ras sidebanna. Kalak sindeher ras kita maun erbahanca ceda kal pusuhtha, payo. Tapi la oratna sie si asuhi. Paulus ngataken man perpulungen Kolose ola pergelut, sialem-alemen salah, kekelengen e mpersadaken alu serta seh maka kedamen e jadi sekerajangenta. Jabu si nggejapken pasu-pasu Tuhan e me jabu si tiap wari lit ibassa sialem-alemen salah, sabap Dibata pe enggo leben ngalemi, sabap madin siajar-ajaren asang si pandang-pandangan.